



山豬湖看火金姑

阿青講欲去華山的山豬湖看火金姑，順繼翕幾張仔相做紀念。上車差不多 5 分鐘就駛到往過誠鬧熱的咖啡小街，這陣顛倒恬甯甯無幾隻貓仔咧出入，予人想攏無。現此時橫佇面頭前的三叉路口無啥物路標，3 个人煞臆無佗一條才是著的，規氣落車行倚去路邊的導覽圖遐，提手電仔按頭繩(tsîn)到尾，干干仔摸無彼个所在，邊仔閣無人通問，就清彩選一條距崎的路來跋看覓咧。過都無 1 分鐘，拄好碰著一對翁仔某共阮報路，真正翻頭閣駛差不多 5 分鐘爾，就看著倚山的路邊拋誠濟車。大人佗因仔咧講話的聲誠靈，爍來爍去的手電仔對路口一直炭到山頭，櫟櫟的人影嘛綴幌前幌後的火光咧爍無歇，遮決定是山豬湖，無毋著。

塗較的路面拍紅毛塗，綴山勢咧捩來捩去不止仔崎，雙片攏種茶仔檳榔的較大面，佇青仔穰長閩送的烏影下跋，足濟勻勻仔咧飛懸飛低的火金姑金一下、爍一下，規山坪鬧熱滾滾。距到一搭轉彎塌低的林跋，敢是較暗的緣故，濟甲親像暝時咧矚目矚的天星，著是爍甲遐爾仔顯目，較加嘛圍誠濟歡喜甲比讚、喝嬌的人。個攏提手機仔、相機閣有跔三跋馬咧翕相的，毋過猶有幾簇仔人嗤舞嗤吡咧講取景、快門、『曝光』的撇步。有攢三跋馬的阿青講，佇暗眠摸的所在翕火金姑，上無愛『曝光』1 分鐘才會嬌。聽候伊翕煞，翻倒轉去相機內面揣檔案，內底干焦 1 張會看得，看這款範勢，若無兩步七仔，正經舞無路來。

閣距起去較懸的山路，看會著山跋規簇光焱焱的民家厝、相連繼的路燈，白、黃、青、紅的夜景袂輪會放劍光的真珠、寶石，嬌佗無想欲徙跋，毋過火金姑就較少矣。阿青講傷光的所在對火金姑來講是『光害』，烏烏暗暗才是個佗意的。

落山的時陣，有 2、3 个好玄的因仔跔路中央，共火金姑捧佇手心掌起掌落，講欲順繼紮轉去，猶有袋入去白衫的橐袋仔爍一下爍一下，袂輪佇胸前牽一葩青色的『ne-hóng』按呢。好得個的家長攏有出來擋，順繼教示一寡自然生態保護的基本原則予佗知，連阮嘛聽甲耳仔匝匝匝，無想欲轉去。

作者：藍春瑞

☆詞彙學習☆

- | | |
|-----------------------------|-----------------------------------|
| 【山豬湖】Suann-ti-ôo：雲林縣古坑鄉地名。 | 【長閩送】tâng-lòng-sòng：很長的樣子。 |
| 【恬甯甯】tiām-tsiuh-tsiuh：非常安靜。 | 【顯目】hiánn-bák：引人注目。 |
| 【煞】suah：竟然。 | 【三跋馬】sann-kha-bé：三腳架、三角架 |
| 【繩】tsîn：定睛細看。 | 【嗤舞嗤吡】tshi-bú-tshi-tshū：低聲說話。 |
| 【干干仔】kan-kan-á：偏偏。 | 【兩步七仔】n̄ng-pōo-tshit-á：表示有點本事。 |
| 【跋看覓】puáh-khuànn-māi：賭運氣。 | 【掌】thènn：支撐。 |
| 【拋】pha：停放(車子)。 | 【ne-hóng】霓虹燈。 |
| 【櫟櫟】lang-lang：稀疏的樣子。 | 【好得】hó-tit：幸好、幸虧。 |
| 【幌】hàinn：搖擺、晃動。 | 【匝匝匝】khap-khap-khap：伏首貼耳，非常信服的樣子。 |
| 【決定】kuat-tīng：一定、絕對。 | |
| 【拍紅毛塗】pah ang-moo-thôo：鋪水泥。 | |